



Universitätsbibliothek Paderborn

Theologia Moralis

Antehac ex probatis Auctoribus breviter concinnata

Busenbaum, Hermann

Coloniæ Agrippinæ, 1707

Q. 245. Quid præterea circa inquisitionem sit notandum.

urn:nbn:de:hbz:466:1-42600

“terio, non potest interrogare de alio, de quo non est
“infamatus, v. g. furto; quia esset inquisitio specia-
“lis sine pravia infamia. *Salon. Caj. Trul. d. 18.* nisi
“tamen crimina sint connexa, vel unum sit circum-
“stantia alterius. *Ibid. & Sanch. Cons. l. 6. c. 3. d. 21.*
“Dixi in Resp. *Regulariter*, quia ad specialem
“inquisitionem non requiritur infamia prævia in
“casibus certis, quos v. apud *Less. c. 29. d. 15. Bon.*
“*s. 2. d. 10. in precept. p. 5. Saneb. d. 19. Trull. l. c.*

ADDENDA.

1429 Q. 245. *Quid præterea circa inquisitionem*
sit notandum. R. Seqq.

§. I. Judicem non posse in particulari inquirere contra aliquem sine præviis indiciis, expressè defini-
nitur Cap. *Inquisitionis*, §. *Tertia*, & Cap. *Quali-
ter*, 24., de accus. Quod maximè locum habet, quando proceditur, non tam ad malum avertendum, quod fortè impendeat, sed ad puniendum delictum, tunc enim ex omnium sententia Judex non potest ex seipso incipere, sed semper debet aliquid præcedere, quod eum cogat ex officio procedere, alioquin totus processus est irritus & ipse tenetur reparare damna causata, *Clarus, Less.* in auct. v. *Moneta*, cas. 2. An autem possit Judex procedere, si quis libello famoso vel occultâ schedâ sit denuncia-
tus, vide *Dicast. de just. l. 2. t. 1. d. 7. à n. 43. & Cap.*
Inquisitionis suprà.

§. II. Si Cajus habeat propositum merè internum occidendi Regem, & illud manifestarit Titio speculativè tantum & non in ordine ad cooperatio-
nem vel executionem, propositum illud manet merè internum in ratione delicti, hinc in illud in-
quiri non potest, quamvis Titius deferat; potest
tamen

tamen præcautio adhiberi, ne Cajus possit illud exequi, *Lugo de Just. d. 10. n. 160.* Est etiam iniquum, si Judex ex levibus indiciis imponat juramentum, ut quis se fateatur vel neget nocentem; sic iniquus est Archidiaconus, qui in visitatione Cajo recente uxorato ita leviter imponit sub juramento edendum, an non cum sua ante matrimonium habuerit copulam, non enim habet jus in hoc inquirendi sine magnis indiciis.

§. III. Debent Principes & Judices cautissimè **1431**
procedere in inquisitione circa sagas, uti latè probat *Spe d. 8.*, ubi d. 10. & 11. etiam ostendit contra *Binsf. & Delrio* Deum sæpe permisisse accusari & involvi innocentes velut reos criminum: Idem repeat in append. post d. 51.; Nam etiam permittit Deus conculcari consecratas hostias ac patrari alia graviora crimina; imò dæmonem posse in saltu representare innocentem dicemus n. 1452.; Non ideo tamen abstinendum esse ab inquisitione contra sagas, probat d. 12., dummodo & circumspectè procedatur juxta legum & prudentis rationis præscriptum: Deinde d. 13. & seqq. ostendit abstinendum esse ab inquisitione, si periculum sit involvendi etiam innocentes, quia *Christus Matth. 13.* docet ad tempus permittenda zizania, ne fortè simul evellatur triticum, procedi autem potest, si malefici diagnoscantur aut dignosci possint absque periculo innocentium.

§. IV. Quando Dæmon in energumeno dicit **1432**
Titium à se convincendum alicujus criminis, si ad se adducatur, putat *Less. in auët. v. Magia. cas. 4.*, si *Titius antè fuerit accusatus*, aut fuerint alia indicia, posse mandato Judicis adduci, per hoc enim non peti à Dæmone, ut *Titium convincat*, sed hunc sisti, ut cum adversario confrontetur, in quo nihil vide-
tur

tur esse mali, quia tantum intentio est videndi, quid inde secuturum sit, permittendo Dæmoni, ut dicat, quod non rogatur, sed quod vel ex se vel à Deo coactus dicit: addit *Leſſ.* posse energumenum duci ad forum, si dicat se ibi ostensurum proditorum, Contrā est 1. nam revera videtur esse aliqua communicatio cum Dæmone. 2. Videtur esse moralis cooperatio ad illam manifestationem Dæmonis: quod *Conf.* Nam non licet petere à mago, ut furem ostendat, & si Magus sponte se offerat ad convincendum Titium de furto, Judex non potest jubere adduci Titium, quia consentiret in actionem illicitam magi, si enim non intenderet eam ponи, non adduceret Titium; unde sicuti certò peccat, qui præparat mago materiam, circa quam operetur, uti si teneat speculum, in quo ostendet furem, quia censetur moraliter cooperari, uti fatetur *Leſſ.* cas. 5., ita Judex censeretur hic moraliter cooperari Dæmoni.

1433 §. V. Universaliter circa inquisitiones Principum & Judicium sapienter dixit Facultas Theologica Lovaniensis in quodam casu consulta, *In vindicandis criminibus multa possunt, Principes, quae non expediunt; multa expediunt, quae non possunt; multa possunt & expediunt, sed opportuniū differunt; multa, quia publica probationis luce destituta, quamvis severissimè punienda, relinquunt Deo, qui solus occultorum testis & Iudex est.* Specialiter statuit Paulus III. per Bullam 44. *Ad onus hunc §. 8., iidem Judices captum pro uno crimine, super aliis, de quibus indicia aliqua non habent, nullo modo interrogare præsumant.*

1434 Q. 246. *Quid circa præsumptiones & probationes sit notandum. R. De præsumptionibꝫ scriptis fusè & docte Menochius: De probationibus Mascar-*
dus,